

- (2) U članu 17, u stavu 1, iza riječi «žalba», tačka se zamjenjuje zarezom i dodaje tekst: **«a žalba se mora podnijeti u pisanom obliku, u roku od sedam dana od dana donošenja odluke suda, a u skladu s postupkom iz člana 15 stava 3 ovog zakona».**
- (3) U članu 17, stavu 2, prije riječi «vijeće Apelacionog suda» dodaje se riječ: **«nadležno».**

Član 14

- (1) U članu 18, riječi: «predsjednik vijeća» zamjenjuju se riječju: **«sud»**, a iza riječi «mjesto saslušanja» dodaju se riječi: **«čim to bude praktično izvodljivo».**

Član 15

- (1) U članu 19, stavu 1, riječi: «vijeće iz stava 1 člana 16 ovog zakona» zamjenjuju se riječju: **«sud».**
- (2) U istom članu, stavu 2, tački b, riječi: «članovima vijeća i zapisničaru vijeća» zamjenjuju se riječima: **«članovima suda i operateru - asistentu suda».**
- (3) U istom članu, stavu 2, tački c, ispred riječi: «neće se lično pojaviti» dodaju se riječi: **«ako je dobio status zaštićenog svjedoka»**, a riječ: «vijeće» zamjenjuje se riječju: **«sudom».**
- (4) U istom članu, stavu 2, tački d, riječi: «nije obavezan odgovarati» zamjenjuju se riječima: **«ne može biti prisiljen da odgovara».**
- (5) U istom članu, stavu 3, riječ: «vijeće» zamjenjuje se riječju: **«sud».**

Član 16

- (1) U članu 20, stavovima 2 i 3, riječ: «vijeće» zamjenjuje se riječju: **«sud».**
- (2) U članu 20, stavu 4, riječi «preduzima mjere da se», **brišu se.**

Član 17

- (1) Naslov člana 21 zamjenjuje se i glasi: **«Korištenje iskaza zaštićenog svjedoka».**
- (2) U istom članu, u stavovima 2 i 3, riječi: «sudija, odnosno vijeće» zamjenjuju se riječju: **«sud».**
- (3) U istom članu, stavu 4, iza riječi: «saslušanju zaštićenog svjedoka» dodaju se riječi: **«u skladu s odredbama člana 19 stava 2 tačke c ovog zakona».**

Član 18

U članu 22 stav 2 mijenja se i glasi: **«Sud će održati dodatno saslušanje zaštićenog svjedoka, na način propisan članovima 18-20 ovog zakona u mjeri potrebnoj za potpuno i pravilno utvrđivanje činjenica. Pitanja i odgovori bilježe se i čitaju glasno na način propisan u članu 21 ovog zakona».**

Član 19

Član 23 mijenja se i glasi:
«Sud ne može da zasnuje osuđujuću presudu isključivo ili u odlučujućoj mjeri na dokazima pribavljenim u skladu s članom 11 ili članovima 14-22 ovog zakona».

Član 20

Iza člana 24 dodaje se novi član 24-a koji glasi:

Član 24-a

«Opće odredbe vezane za otkrivanje informacija, propisane aktom o slobodi informisanja BiH, ne primjenjuju se na obradu ličnih podataka svjedoka u skladu s ovim zakonom».

Član 21

Ovaj zakon stupa na snagu 8. (osmog) dana od dana objavljivanja u «Službenom glasniku Brčko distrikta BiH».

Broj:0-02-022-25/07

Brčko, 28. februar 2007. godine
PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.

71

U skladu s članom 23 Statuta Brčko distrikta Bosne i Hercegovine («Službeni glasnik Brčko distrikta BiH» broj 3/07) i članom 45 Poslovnika Skupštine Brčko distrikta – prečišćeni tekst («Službeni glasnik Brčko distrikta BiH» broj 11/03), nakon

razmatranja Prijedloga odluke o izmjeni i dopuni odluke o osnivanju Fonda zdravstvenog osiguranja Brčko distrikta BiH, broj: 01-014-015578/06-1 od 15. 1. 2007. godine, Skupština Brčko distrikta BiH na 42. sjednici održanoj 15. februara 2007. godine, donijela je

O D L U K U

O IZMJENI I DOPUNI ODLUKE O OSNIVANJU FONDA ZDRAVSTVENOG OSIGURANJA BRČKO DISTRIKTA BOSNE I HERCEGOVINE, BROJ: 0-02-022-136/06 OD 14. 12. 2006. GODINE

Član 1

U Odluci o osnivanju Fonda zdravstvenog osiguranja Brčko distrikta Bosne i Hercegovine, broj: 0-02-022-136/06 od 14. 12. 2006. godine, vrše se slijedeće izmjene i dopune:

U članu 6 Odluke, dodaje se stav 2 koji glasi:

„U skladu sa Zakonom o standardnoj klasifikaciji djelatnosti Brčko distrikta BiH („Službeni glasnik Brčko distrikta BiH”, brojevi: 4/01, 8/02 i 3/03), Fond zdravstvenog osiguranja obavlja djelatnost pod šifrom 75.300 – Obavezno socijalno osiguranje“.

U članu 9 Odluke, dodaje se stav 2 koji glasi:

„Osnivački kapital Fonda zdravstvenog osiguranja iznosi 2.000,00 KM“.

U članu 21, stavu 1 Odluke, broj: „17“ zamjenjuje se brojem: „19“.

U članu 24 Odluke, stav 1 mijenja se i glasi:

„(1) Članove upravnog odbora Fonda zdravstvenog osiguranja imenuje gradonačelnik u roku od 30 dana od dana stupanja na snagu ove odluke, s tim da Skupština može staviti veto na gradonačelnikov izbor članova upravnog odbora rezolucijom koju podrži ne manje od tri petine ukupnog broja zastupnika u roku od petnaest dana nakon što odluka gradonačelnika o njihovom imenovanju bude prosljeđena Skupštini.“

U članu 25, stavu 1 Odluke, broj: „120“ zamjenjuje se brojem: „90“.

Član 2

Ova odluka stupa na snagu danom donošenja i objavit će se u «Službenom glasniku Brčko distrikta BiH».

Broj: 0-02-022-6/07

Brčko, 15. februar 2007. godine
PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.

72

U skladu s članom 2.4 Izbornog zakona Brčko distrikta BiH ("Službeni glasnik Brčko distrikta BiH" broj 20/03), nakon razmatranja Izvještaja o radu Izborne komisije Brčko distrikta BiH u 2006. godini, Skupština Brčko distrikta BiH na 42. sjednici održanoj 15. februara 2007. godine, donosi

O D L U K U

O USVAJANJU IZVJEŠTAJA O RADU IZBORNE KOMISIJE BRČKO DISTRIKTA BiH U 2006. GODINI

I

Usvaja se Izvještaj o radu Izborne komisije Brčko distrikta BiH u 2006. godini, broj: 489/06 od 12. 12. 2006. godine.

II

Ova odluka objavit će se u "Službenom glasniku Brčko distrikta BiH".

Broj: 0-02-022-19/07

Brčko, 15. februar 2006. godine
PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.

73

U skladu s članom 2.4 stavom 1, i članom 2.12 Izbornog zakona Bosne i Hercegovine ("Službeni glasnik BiH", br. 23/01), članom 8 Zakona o izmjenama i dopunama Izbornog zakona Bosne i Hercegovine ("Službeni glasnik BiH", br. 20/04), članom 2.1 Izbornog zakona Brčko distrikta BiH ("Službeni glasnik Brčko distrikta BiH", br. 20/03), te članom 13 stavovima 2 i 7 Zakona o zastupnicima Skupštine Brčko distrikta Bosne i